

# Pahang komited atasi jerebu melalui PTPTK

Oleh [Ainal Marhaton Abd Ghani](#) - Jun 9, 2022 @ 9:31pm

[bhnews@bh.com.my](mailto:bhnews@bh.com.my)



Gambar hiasan

PEKAN: Kerajaan negeri komited mengatasi isu jerebu melalui Pelan Tindakan Pembakaran Terbuka Kebangsaan (PTPTK) dengan menguji semula prosedur operasi standard (SOP) melaksanakan program mencegah kebakaran tanah gambut dan bukan tanah gambut.

Pengerusi Jawatankuasa Pelancongan, Kebudayaan, Alam Sekitar, Perladangan dan Komoditi negeri, Datuk Seri Mohd Sharkar Shamsuddin, berkata tanggungjawab untuk memelihara dan memulihara alam sekitar bukan saja terletak sepenuhnya kepada kerajaan menerusi Jabatan Alam Sekitar (JAS), tetapi semua pihak yang perlu memainkan peranan masing-masing.

"Saya berharap semua pihak meneruskan usaha baik yang dijalankan kerajaan untuk memelihara dan memulihara alam sekitar," katanya pada Majlis Penutup Bengkel Uji

SOP Melaksanakan Program Mencegah Kebakaran Tanah Gambut untuk Mengatasi Jerebu dan Pelan Tindakan Pembakaran Terbuka Kebangsaan (PTPTK) Peringkat Pahang sempena sambutan Hari Alam Sekitar di sini, hari ini.

Mohd Sharkar berkata, usaha menjaga kelestarian alam sekitar dan pembangunan lestari adalah tanggung jawab bersama semua pihak bagi memastikan alam sekitar terus terpelihara.